



Gol kommune

Kunnskapsdepartementet

Dykkar ref.

Vår ref.
17/01686-4

Dato
02.06.2017

HØYRING - FRAMLEGG TIL ENDRING AV NY GENERELL DEL LÆREPLANVERKET FOR GRUNNOPPLÆRINGA. GOL KOMMUNE SITT HØYRINGSSVAR

Handsama i møte i Utval for Kultur og Levekår 31. mai 2017

Høyringsframlegget gjer sitt til at det blir betre samsvar mellom formålsparagrafen i opplærings lova og dei grunnleggjande ferdigheitene. Barnekonvensjonen om barnas beste er nemnt. Det blir vidare lagt vekt på at elevane skal vere trygge språkbrukarar, og at utvikling av eit felles språk er ein føresetnad for eit godt fungerande samfunn.

Planen legg vekt på profesjonsfellesskap og skuleutvikling. Eleven skal vere seg bevisst på eigne læringsstrategiar. Planen er tredelt: Verdigrunnlaget, prinsipp for læring og utvikling og prinsipp for skulen sin praksis.

I underkapitela «Sosial læring og utvikling» og innleiinga til kapittelet «Prinsipper for skolens praksis», må det i større grad koma fram at det skal vera eit samarbeid mellom skule og heim. S 15 (Tillegg i feit skrift): «For å lykkes med dette må skolen tilrettelegge for den enkelte elev og bygge et inkluderende læringsmiljø **der samarbeid med hjemmet er ivare tatt**». I underkapitlet «Demokrati og medverknad» må det vera større vekt på kva kvar enkelt kan bidra med til fellesskapet, ikkje kva den einskilde har rett på.

Tidleg innsats og spesialpedagogiske tiltak bør også inn att som punkt i planen. Det same gjeld vitskapeleg arbeidsmetode. Planen bør i større grad vektleggje at elevane lærer av kvarandre, individuelt og i grupper, ikkje berre lærar-elev relasjonen i læringa. Eleven er ein aktiv utøvar i rolla si som elev.

Det bør også nemnast noko om korleis den historiske utviklinga med oppfinningar, tenkarar og liknande har påverka levekår og livsinnhald. Dette bør arbeidast inn i punktet «kultur, identitet og mangfold» (1.2) eller «Skaperglede, engasjement og utforskertrang (1.4.)

Det er eit sterkt ynskje at planen tydeleggjer kva for verdiar det norske samfunnet byggjer på; etiske prinsipp og reglar (jf. avsnitt om kulturarv og identitet i gamal generell plan)

Gol 31.5.2017

Hallvor Lilleslett, kommunalsjef

Kopi til: